

畢廷卿字憲夫治禮記邑庠生未仕

弋陽方歌

畢偉字文達治書經邑庠生未仕

畢僑字文升治書經廣信府學生未仕

新安畢氏族譜卷之十一

新安畢氏族譜卷之十二

貞節志

偃師

穆氏采繫河南孟津人慶平太守坑之繼室也父巖為邯鄲尉采  
蔡生于官邸性聰慧七歲能製綵繡父教之讀孝經五日而竟甚  
習遂通經史及列女傳諸書精琴事象戲工詞曲年二十歸坑容  
貌美豔而莊執婦道謹甚坑公暇輿論書史嘗觀漢書至龔遂傳  
公曰太守如是亦奇矣夫人曰願相公為聖為賢循良不足奇也  
祿山之亂兵未至夫人已與公訣曰努力殺賊萬一不勝幸與君  
偕死爾兵至城陷坑死之夫人携二子及一老婢真箬井中以茅



覆之謂婢曰倘脫此喜視二子我將不免乃沐浴素製冠縵于井旁之大樹題鴈鵠天一闕于廳事之壁大書之詞曰漢室清平百二秋大家兒女笑披樓漁陽一夜腥風起動地哀號萬里愁舊馬獵漢城立奮身誰報逆天警轟幸有天雷在早碎其家羯狗頭賊至廳事見詞怒甚燬之至坑私室獲家人無少長皆殺之於後園見夫人死于樹下復以刃刺其背搜井中獲二子及婢欲殺之婢哀號請曰太守無禮於將軍已蒙顯戮孺子何辜而欲殺之將軍以肅清天下為心恤孤慈幼所當先者罪人不孥文王所以有天下也祿山悅釋為貴口事聞郡旌表其門贈坑戶部尚書移氏孟津郡夫人畧曰夫死忠而婦死節九原之骨應有生同志而死

同時千載之名不泯惜舊譜不能紀其全也夫人卒年二十有一為孀婦僅歲餘

關州

胡氏儼休寧遼源人娶承芳之妻年二十七誓志守節事舅姑盡禮撫二孤昶曜極慈愛今壽八十五鄉里稱美

程氏莊休寧汝川人娶曜之妻當盛年曜卒貞心守節辛勤紡績極力以養姑撫孤拱成立今壽六十有一

三綱五常之遺猶布帛菽粟不可一日而缺匹夫匹婦有其所能知能行者也世道賴以扶持人紀賴以揭立吾再從弟曜持身端謹不苟克自植內外稱之奉其母以孝謹聞好結名勝有聲鄰里齊魯間其婦汲川程氏名莊百歲處士詩之女孫有家教性質明敏敦厚不待閑而自宅於禮處家內外井然有緒歸未數年而曜疾作侍湯藥不解帶者浹旬曜疾病呼婦曰我不起養吾母撫吾孤母吾愧可乎婦應曰



結請君善保脫有不祥妻保無君愧如所石者天地中明寔監臨  
 之降妻重罰曜不起節婦懷然而悲改容更服晝夜號哭人不忍  
 聞東志閨門一節終天履艱茹苦人所難堪而此心冰壺秋月先  
 後數年猶一日也卒能養其姑無倦男婚女嫁皆其身親經紀家  
 致失所夫當家燕于勿之秋而孤孀寡婦知聚其身而能正其家  
 如此其賢哉貞烈從可知矣於乎綱常義重號稱丈夫者鮮能支  
 撐人節婦吵然一婦女流而毅然赤手互撐于青天白日之下寧不  
 使人毛髮為之森豈也哉吾人通孔氏刑書目擊耳聞婦素行不  
 下之德可獨然而不言以彰其行之懿哉傳之以警吾里若天  
 之恩為能起其家者孫男三人球沾濟能讀書淳焉可教節婦今  
 已六十歲矣康強尚無恙天將報其後其在斯乎此付拱高其  
 修省自進稱夫為孝子順孫予  
 篇有望焉從父畢郁傳

程氏歿休寧富溪人畢卓之妻年二十六卓卒貞心守節撫二孤

超越成立附錄節婦傳程氏名歿休寧富溪人閩川畢卓之妻也  
 業刻若津礪程力資之每夜讀必紡績耦坐或連旦不倦嘗謂卓  
 曰安肆力紡績經年必盈數百而君之志學所積幾何卓曰吾腹

中無第何可以苟營計也卓以劬書曰日瘁竟不起將卒執程之  
 手號呼曰爾極力而財吾今負之宜他適少年以岳後顯更無再  
 歸田沒之徒也程焚香再拜泣曰夫君不幸妾當殉之念此二孤  
 日父悲號幾絕服除猶悲泣不繫社門紡績不預問家事僅孺子  
 弗莫或見其面父母微諷之使他適程大哀號以首觸其母後  
 人莫敢言者今二子超羣有常秀不凡羣讀書弗忝  
 父風皆程誨之力云  
 翰林院編修貴溪畢濟川書

附錄三

汪氏良美畢德暉之妻也年十七德暉卒守節終身族人美之  
 承姑慶一公之女也既聘夫卒公無嗣姑自立為後撫義子守業  
 以終其身人情難之

項氏端陽畢可浩之妻也可浩多疾每索飲食湯藥項氏雖百方  
 必求以進踰月不辭以事之至生瘡虱落髮而不知其為已害也



大疾篤項氏曰脫有不韙吾當殉之可浩曰子永春吾孤也死易  
立孤難耳項氏曰然每夕必稽顙北辰願以身代會夫卒時子甫  
七歲遂撫孤不嫁乃杜門不出紡績織絰以饒裕家業每語及其  
夫必哭之哀及歲時祭夫哭必旬日不絕以此双目為之皆眵焉  
其兄醫官項汝衡哀其子少而早寡勸嫁之項氏厲聲悲慟曰好  
女不事二夫汝為國臣子事二君可乎汝衡連數語之遂守節終  
身壽九十九歲親見五代曾孫弘治八年卒

義溪

王氏本里人畢功顯之妻年十七功顯商遊湖海流蕩不歸絰五  
十載紡績以度日食自無慍色年六十七鄉里無不讚嘆

嘉田

王氏玖徽城人畢武傑之妻年二十四武傑卒撫孤順元及遺腹  
順賢

江氏接駝人畢順榮之妻年二十二順榮卒有遺腹泰號成立

豐墩

江氏本里人畢遠之妻年二十八不幸失所天貞心守節

小田

舉氏鳴鳶貴溪樂原人閩中令樂緒之女也年十八歸小田畢德  
民德民死于寇鳴鳶哀毀骨立以死自誓人曰無嗣而不嫁如終  
身何鳴鳶曰嫁以利終身曷若全節以厲後世乎竟弗貳髮種



垂白猶謹飭寡言杜門不出從子輩省視惟閤外長揖不及見其  
面壽至七十九而終性雅靜家貌殊絕族人稱高拉丹娘子云  
姚氏珊玉弋陽桐村人舉仇卿之繼室也年十六歸仇卿期年而  
仇卿疾瘳日滋醫曰飲人血數升即愈珊玉日刺臂割股進之稍  
瘳魯四年仇卿卒諱珊玉曰尔少年無嗣諸叔恐不相容早他適  
無累婦德珊玉號泣告天曰夫不幸妾侍媿中生何為也比飲珊  
玉卧櫬中令人封之姑李氏曳出之珊玉以首叩地破面流血翌  
日沐浴更衣縊于樓姑覺而免慰之曰我孀居育尔夫成立冀有  
養也今死矣尔不吾養而從夫地下姑將安之矧尔女孤二竟將  
安侍珊玉悟乃不言死日夕抱櫬哀號水漿不入口月餘旣葬杜

門不出教女肄女紅讀列女傳服除父母來唁之給曰尔累年弗  
歸寧如父母何珊玉歸寧父密令媒妁致禮擇日他適珊玉知之  
投床下以斧自伐幾喪首父懼而止歸之諸叔姊數強逼之珊玉  
曰妾以姑老女幼欲奉之育之所需者日餐飯耳衣服妾自劬苦  
以給不相累也叔每靳其飲食水火以難之珊玉無恙言姊管氏  
梗悍無狀恒撻之流血惟哀號祈免姑諷之曰至此極矣焉往而  
不為人婦乎何自苦如此珊玉曰他日姑不諱新婦殉之不食言  
也截髮一握以質姑曰以此為誓日縞素荆櫛弗言笑今孀居十  
七年而志操凜凜益艱益堅物論以為穆夫人之後一人而已予  
方聞之于朝以旌之而未能也